

# ქ. ქუთაისის აკაკი წერეთლის სახელობის #1 საჯარო სკოლის

## მუზეუმის დებულება

### ქ.ქუთაისი

#### მუხლი 1. ზოგადი დებულებები

1. სსიპ აკაკი წერეთლის სახელობის #1 საჯარო სკოლის მუზეუმი წარმოადგენს სკოლასთან არსებულ სტრუქტურულ ერთეულს, რომელი თავის საქმიანობას ახორციელებს საქართველოს კანონმდებლობით, საჯარო სკოლის წესდებისა და ქუთაისის #1 საჯარო სკოლის შინაგანაწესით დადგენილ ფარგლებში.
2. მუზეუმი წარმოადგენს სკოლაში არსებულ კულტურულ-საგანმანათლებლო და სამეცნიერო კერას.
3. მუზეუმი შექმნილია განუსაზღვრელი ვადით.
4. მუზეუმის სახელწოდებაა სსიპ აკაკი წერეთლის სახელობის #1 საჯარო სკოლის მუზეუმი“.

#### მუხლი 2. ორგანიზაციის იურიდიული სტატუსი და მისამართი

1. მუზეუმი საქმიანობისას ხელმძღვანელობს „საჯარო სამართლის იურიდიული პირის შესახებ“ საქართველოს კანონის მე-10 მუხლისა და „საჯარო სამართლის იურიდიული პირის – საქართველოს ეროვნული მუზეუმის შექმნის შესახებ“ საქართველოს პრეზიდენტის 30 დეკემბრის 2004 წლის №626 ბრძანებულების მე-2 პუნქტისა და ამ დებულების შესაბამისად.
2. მუზეუმის იურიდიული მისამართია: საქართველო, ქალაქი ქუთაისი გალაკტიონ ტაბიძის ქ.#58

#### მუხლი 3. მუზეუმის მიზნები და საქმიანობის ძირითადი მიმართულებები

- 1.სსიპ აკაკი წერეთლის სახელობის ქალაქ ქუთაისის N1 სახელობის სასკოლო მუზეუმი წარმოადგენს კულტურულ-საგანმანათლებლო და სამეცნიერო კერას და მისი საქმიანობა უპირატესად ორიენტირებულია სამუზეუმო, კულტურულ, საგანმანათლებლო და სამეცნიერო მიმართულებებზე.
- 2.ქუთაისის იოსებ ოცხელის სახელობის სასკოლო მუზეუმი თავისი საქმიანობით შეესაბამება ამ დებულებით დადგენილ მოთხოვნებს, რომელიც პასუხობს მუზეუმის მიზნებსა და ამოცანებს.
3. მუზეუმის საქმიანობის ძირითად მიმართულებებს წარმოადგენს:
  - ა) სკოლის 150 წლიანი არსებობის მანძილზე დაგროვებული ინფორმაციების მოძიება, დაცვა, ექსპონირება და პოპულარიზაცია მოსწავლეებში;
  - ბ) კულტურულ და ბუნებრივ მემკვიდრეობის მიდგომაზე დაფუძნებულ მეცნიერულ-

ანალიტიკური და ექსპერიმენტული კვლევა;

გ) სკოლის ისტორიული წარსულისა და კულტურული მემკვიდრეობის პოპულარიზაცია მოსწავლეებში. მათ მშობლებსა და თემში;

დ) სკოლის საგანმანათლებლო-პედაგოგიური საქმიანობის ხელშეწყობასა და განვითარებას სამეცნიერო ხასითის კონფერენციების დაგეგმვის და ჩატარების გზით;

ე) საგანმანათლებლო და სასწავლო ბაზის შექმნა, იოსებ ოცხელის საზოგადოებისწევრთა ხელშეწყობის გზით;

ვ) სასკოლო-სასწავლო პროგრამების შესაბამისი თემატური ექსპოზიციების. საღამოებისა და შეხვედრების გამართვა;

ზ) სასკოლო მუზეუმის ინტეგრირება სასწავლო და საგანმანათლებლო სფეროში – თანამშრომლობა საქართველოს განათლებისა და მეცნიერების სამინისტროსთან, აგრეთვე ქ. ქუთაისის მერიასთან, ქ.ქუთაისის საგანმანათლებლო რესურსცენტრთან, საგანმანათლებლო დაწესებულებებთან-საჯარო სკოლებთან, ქუთაისის აკაკი წერეთლის სახელობის სახელმწიფო უნივერსიტეტთან;

თ) სკოლის მოსწავლეების (მათ შორის სხვადასხვა სკოლის მოსწავლეებიც) და მასწავლებლების, აგრეთვე საზოგადოების ცნობილი წარმომადგენლების მოწვევას ინტეგრირებული-სამეცნიერო კონფერენციებისა და სასწავლო ლექციების ჩატარებისა და გაკვეთილების დანერგვის მიზნით;

#### **მუხლი 4. ურთიერთობა მესამე პირებთან, უფლება-მოვალეობები**

1. მუზეუმს უფლება აქვს:

ა) საკუთარი სახელით განახორციელოს თავისი უფლებები და მოვალეობები,

ბ) განახორციელოს ყველა სახის კულტურული, სახელოვნებო, სამეცნიერო, კვლევით და/ან საგანმანათლებლო საქმიანობა;

გ) მოაწიოს გამოფენები, შეხვედრები, კონფერენციები, სემინარები და სხვა კულტურული და კულტურულ-საგანმანათლებლო ღონისძიებები;

დ) „მუზეუმების შესახებ“ საქართველოს კანონით განსაზღვრული წესით განახორციელოს თავისი უფლებების დაცვა და რეალიზაცია, ასევე მუზეუმში დაცული ექსპონატების დაცვა ყველა სახის მართლსაწინააღმდეგო ხელყოფისაგან;

ე) აწარმოოს საქმიანობა, რომელიც თვისობრივად პასუხობს მუზეუმის მიზნებს და ამოცანებს.

#### **მუხლი 5. მუზეუმის სტრუქტურა და მართვა**

1. მუზეუმის მართვას, მოვლა-პატრონობას, სამუზეუმო მასალებისა და ექსპონატების მოკვლევა-მოძიებას, აგრეთვე სამეცნიერო და საგანმანათლებლო ღონისძიებების დაგეგმვასა და ორგანიზებას ახდენს სასკოლო მუზეუმის ხელმძღვანელი-“სასკოლო მუზეუმის გამგე“

2. სასკოლო მუზეუმის ხელმძღვანელი-მუზეუმის გამგე ინიშნება სახელმწიფოებო ფორმით სკოლის დირექტორის რძანებით;

3. სასკოლო მუზეუმის ხელმძღვანელს-სკოლის მუზეუმის გამგეს თავის საქმიანობის განხორციელებაში თანადგომას უცხადებს და ეხმარება სკოლა;

4. სასკოლო მუზეუმის ხელმძღვანელი-სკოლის მუზეუმის გამგე თავის საქმიანობას ახორციელებს წლიური სამუშაო გეგმის შესაბამისად, რომელსაც პედაგოგიურ საბჭოსთან შეთანხმებით ამტკიცებს სკოლის დირექტორი;

#### **მუხლი 6. სამუზეუმო ფონდი და მუზეუმის ქონება**

1. სამუზეუმო ფონდი განთავსებულია ქუთაისის იოსებ ოცხელის სახელობის #2 საჯარო სკოლის საკლასო ოთახში, რომელიც მდებარეობს სკოლის ცენტრალური შემოსასვლელის

მარცხენა მხარეს;

2. მუზეუმი ახორციელებს სამუზეუმო კოლექციებში დაცულ ფასეულობათა დაცვას.

3. მუზეუმის ქონებად ითვლება, აგრეთვე ინტელექტუალური საკუთრება და არამატერიალური აქტივი, რომელიც მის სტრუქტურაშია თავმოყრილი.

#### **მუხლი 7. მუზეუმის ფინანსური წყაროები**

1. მუზეუმის დაფინანსების წყარო შეიძლება იყოს:

სასკოლო ბიუჯეტიდან გამოყოფილი სახსრები აგრეთვე სკოლის მიზნობრივი შემოსავლები;

#### **მუხლი 8. კონტროლი**

1. სასკოლო მუზეუმისა მისი ქონების კონტროლი ხორციელდება სკოლის ადმინისტრაციის მიერ;

#### **მუხლი 9. დებულებაში ცვლილების შეტანის წესი**

სსიპ აკაკი წერეთლის სახელობის #1 საჯარო სკოლის -სასკოლო მუზეუმის დებულებაში ცვლილებებისა და დამატებების შეტანა შესაძლებელია სკოლის პედაგოგიურ საბჭოსთან შეთანხმებით.